

- a) Clasificación: non se esixe.
- b) Solvencia económica, financeira e técnica: pregos de cláusulas administrativas.
- c) Outros requisitos: pregos de cláusulas administrativas e técnicas.

7.- Presentación de ofertas.

- a) Data límite: 15 días naturais (contados a partir do seguinte ao da publicación deste anuncio no Boletín Oficial da Provincia de Lugo) de 9 a 14 horas.
- b) Documentación: a esixida nos pregos.
- c) Lugar: Rexistro Xeral Concello de Paradela, por calquera xeito dos previstos na lexislación de procedemento administrativo.

8.- Apertura de ofertas: segundo os pregos.

9.- Gastos de anuncios: por conta do adxudicatario.

10.- Obtención de información e documentación.

- a) Concello de Paradela.- Rúa Cabaleiros de Santiago, 15 -CP 27611.
- b) Teléfono.- 982 541101 - Fax.- 982 541232
- c) web: www.concelloparadela.es e www.paradela.es (perfil do contratante)

Paradela a 27 de setembro de 2013.- O Alcalde, José Manuel Mato Díaz

R. 3838

Anuncio

APROBACIÓN INICIAL EXPEDIENTE DE MODIFICACIÓN DE CRÉDITOS Nº 10/2013, SEGUNDO DE COMPETENCIA DE PLENO E SEGUNDO NA MODALIDADE DE TRANSFERENCIA DE CRÉDITO ENTRE PARTIDAS DE GASTOS DE DISTINTAS ÁREAS DE GASTO

Aprobado inicialmente polo Pleno da Corporación en sesión ordinaria celebrada o 26 de setembro de 2013, o expediente de modificación de créditos nº 10/2013, segundo de competencia de Pleno e segundo na modalidade de transferencia de crédito entre partidas de gastos de distintas áreas de gasto, en cumprimento do que se dispón no artigo 169.1 por remisión do 179 do Real decreto 2/2004, do 5 de marzo, polo que se aproba o Texto Refundido da Lei Reguladora das Facendas Locais, sométese o expediente a exposición pública polo prazo de quince días contados dende o día seguinte da inserción deste anuncio no Boletín Oficial da Provincia, para que os interesados poidan examinar o expediente e presentar as reclamacións que estimen oportunas.

De conformidade co acordo adoptado, a modificación de crédito considerarase definitivamente aprobada, se durante o citado prazo non se presentan reclamacións.

En Paradela, a 27 de setembro de 2013.- O Alcalde-Presidente, José Manuel Mato Díaz

R. 3839

A PASTORIZA

Anuncio

O Pleno desta Corporación en sesión de data 27 de xullo de 2013 aprobou inicialmente a Ordenanza reguladora do prezo público polo servizo de axuda no fogar do Concello da Pastoriza.

Ao non presentarse reclamacións durante o prazo de exposición ao público o acordo provisional adquire carácter definitivo e en cumprimento do disposto no artigo 17.4 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais faise público o seu texto íntegro para a súa entrada en vigor.

Contra a ordenanza aprobada poderase interpoñer, recurso contencioso-administrativo ante a sala do contencioso-administrativo do Tribunal Superior de Xustiza de Galicia no prazo de dous meses que contará dende o día seguinte ao da presente publicación.

ORDENANZA REGULADORA DO PREZO PÚBLICO POLA PRESTACIÓN DO SERVIZO DE AXUDA NO FOGAR

Artigo 1. Concepto

Artigo 2. Obrigados ao pagamento

Artigo 3. Determinación da capacidade económica das persoas usuarias do servizo.

Artigo 4. Contía.

Artigo 5. Afectación dos ingresos municipais polo copagamento dos servizos.

Artigo 6. Normas de xestión

Artigo 7. Obrigación de pago

DISPOSICIÓN DERROGATORIA

DISPOSICIÓN DERRADEIRA

Art. 1.Concepto.

De conformidade co previsto no artigo 127 en relación co 41 do Real Decreto 2/2004, do 5 de marzo, polo que se aproba o Texto Refundido da Lei Reguladora das Facendas Locais, este Concello establece o prezo público pola prestación do servizo público municipal de axuda no fogar.

Art. 2. Obrigados ao pagamento.

Están obrigadas ao pagamento do prezo público regulado nesta ordenanza as persoas usuarias da prestación do servizo de axuda no fogar, nos termos establecidos na Ordenanza Municipal do Servizo de Axuda no Fogar así coma na normativa autonómica vixente en cada momento.

Art. 3. Determinación da capacidade económica das persoas usuarias do servizo.

1. Persoas dependentes valoradas, con dereito de atención recoñecido, usuarias do servizo de axuda no fogar:

a. A capacidade económica das persoas dependentes valoradas con dereito recoñecido de atención mediante o servizo de axuda no fogar calcularase en atención a súa renda e, se é o caso, ao seu patrimonio. Teranse en conta, ademais, a renda e patrimonio do cónxuxe e a existencia de persoas conviventes economicamente dependentes. Para o cálculo da citada capacidade económica observaranse os criterios e regras dispostos na Resolución do 2 de decembro de 2008 da Secretaría de Estado de Políticas Sociais, Familia e Atención á Dependencia e á Discapacidade, pola que se publica o Acordo do Consello Territorial do Sistema para a Autonomía Persoal e Atención á Dependencia sobre determinación da capacidade económica do beneficiario e sobre os criterios de participación deste nas prestacións do dito sistema, así como ás normas regulamentarias promulgadas pola Xunta de Galicia que incorporen aquelas regras ao sistema galego de servizos sociais.

b. O resultado do cálculo da capacidade económica correspondente ás persoas dependentes valoradas con dereito de atención recoñecido no servizo de axuda no fogar constará na resolución do plan individualizado de atención que se resolve en cada caso de conformidade co que establece o artigo 38 do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.

2. No servizo de axuda no fogar en réxime de libre concorrència a capacidade económica calcularase de acordo co establecido no decreto 99/2012 e que se reflicte a continuación:

- Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2. da Lei 35/2006, do 28 de novembro, do imposto sobre a renda das persoas físicas.

- Computarase así mesmo o patrimonio neto de todas as persoas residentes na unidade de convivencia. Para estes efectos enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.

- A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar.

3. Para o cómputo da renda ou do patrimonio teranse en conta os datos correspondentes á última declaración fiscal dispoñible ou pensión coñecida.

4. Estes datos deberán actualizarse anualmente mediante a presentación da documentación nas oficinas dos servizos sociais municipais.

Art. 4.Contía.

1. A contía do prezo público regulado nesta ordenanza fixarase de conformidade coas porcentaxes contidas no apartado seguinte. A súa determinación ou liquidación realizarase no momento do inicio da prestación do servizo polo órgano municipal competente, previo informe do/a traballador/a social.

a) Participación no financiamento do servizo das persoas dependentes valoradas, con dereito de atención recoñecido, usuarias do servizo de axuda no fogar.

1. No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido sexa igual ou inferior ao indicador público de rendas de efectos múltiples (IPREM), quedará exenta da obriga de participar no custo do servizo.

2. Nos demais supostos, para facer efectiva a obriga das persoas usuarias de participar no custo do servizo, aplicarase a seguinte táboa, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado:

| | Grao I | | Grao II | | Grao III | |
|--|----------|----------|----------|----------|----------|----------|
| | Nivel I | Nivel II | Nivel I | Nivel II | Nivel I | Nivel II |
| Capacidade económica (referida ao IPREM) | 20 horas | 30 horas | 40 horas | 55 horas | 70 horas | 90 horas |
| Inferior ou igual ao 100% do IPREM | 0,00% | 0,00% | 0,00% | 0,00% | 0,00% | 0,00% |
| Maior do 100% e menor ou igual ao 115% do IPREM | 4,52% | 6,56% | 8,59% | 11,42% | 14,47% | 18,09% |
| Maior do 115% e menor ou igual ao 125% do IPREM | 5,41% | 7,84% | 10,28% | 13,66% | 17,31% | 21,64% |
| Maior do 125% e menor ou igual ao 150% do IPREM | 5,55% | 8,05% | 10,54% | 14,01% | 17,76% | 22,19% |
| Maior do 150% e menor ou igual ao 175% do IPREM | 5,65% | 8,19% | 10,73% | 14,26% | 18,07% | 22,59% |
| Maior do 175% e menor ou igual ao 200% do IPREM | 5,72% | 8,30% | 10,87% | 14,45% | 18,31% | 22,89% |
| Maior do 200 % e menor ou igual ao 215% do IPREM | 5,81% | 8,42% | 11,03% | 14,66% | 18,58% | 23,23% |
| Maior do 215 % e menor ou igual ao 250% IPREM | 6,03% | 8,75% | 11,46% | 15,24% | 19,31% | 24,14% |
| Maior do 250 % e menor ou igual ao 300% IPREM | 6,24% | 9,05% | 11,86% | 15,76% | 19,97% | 24,97% |
| Maior do 300 % e menor ou igual ao 350% IPREM | 6,42% | 9,30% | 12,19% | 16,20% | 20,53% | 25,66% |
| Maior do 350 % e menor ou igual ao 400% IPREM | 6,54% | 9,48% | 12,42% | 16,51% | 20,93% | 26,16% |
| Maior do 400 % e menor ou igual ao 450% IPREM | 6,63% | 9,62% | 12,60% | 16,75% | 21,22% | 26,53% |
| Maior do 450 % e menor ou igual ao 500% IPREM | 6,70% | 9,72% | 12,74% | 16,93% | 21,45% | 26,82% |
| Superior ao 500% do IPREM | 6,76% | 9,80% | 12,84% | 17,07% | 21,63% | 27,04% |

3. Nos casos en que, por renuncia parcial expresa da persoa beneficiaria ao seu dereito de atención ao número de horas expresadas no PIA, ou cando por tratarse dun suposto de prestación concorrente con outro servizo as horas efectivamente prestadas sexan inferiores á cantidade expresada en cada columna da táboa anterior, a cantidade a pagar será minorada proporcionalmente á diminución das horas efectivas de servizo.

4. En ningún caso o importe da participación económica que deberá ingresar a persoa beneficiaria en concepto de copagamento poderá exceder do 65% do custo do servizo determinado en termos de prezo/hora.

b) Participación das persoas usuarias no financiamento do servizo de axuda no fogar en réxime de libre concorrencia no que se aplica o copagamento.

1. Para o servizo de axuda no fogar en réxime de libre concorrencia para as persoas que non teñan o recoñecemento da situación de dependencia, ou non as asista o dereito de acceso efectivo ao catálogo de servizos de atención á dependencia segundo o calendario de implantación que se establece na Lei 39/2006, establécese a seguinte táboa:

| CAPACIDADE ECONÓMICA | Participación no custe do servizo de SAF básico |
|---|---|
| Menor do 0,80 IPREM | 0% |
| Maior do 0,80 do IPREM e menor ou igual a 1 veces o IPREM | 10% |
| Maior de 1 e menor ou igual a 1.25 o IPREM | 15% |
| Maior de 1.25 e menor ou igual a 1.50 o IPREM | 20% |
| Maior de 1.50 e menor ou igual a 1.75 o IPREM | 30% |

| | |
|---|------|
| Maior de 1.75 e menor ou igual a 2.00 o IPREM | 40 % |
| Maior de 2.00 e menor ou igual a 2.25 o IPREM | 50 % |
| Maior de 2.25 e menor ou igual a 2.50 o IPREM | 60 % |
| Maior de 2.50 o IPREM | 70 % |

2. Sen prexuízo do anterior, poderán establecerse excepcións aos criterios xerais do referido copagamento nos casos en que na situación causante da aplicación do servizo de axuda no fogar concorran circunstancias de desestruturación familiar, exclusión social ou pobreza infantil, circunstancia que deberá estar debidamente xustificada no correspondente informe social.

3. O custo do servizo se expresará en euros/hora de prestación ao beneficiario, e se fixará pola Xunta de Goberno Local do Concello, tal e como dispón o artigo 47 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

4. En calquera caso establécese un límite máximo de participación económica das persoas usuarias do 40% da súa capacidade económica.

Artigo 5. Afectación dos ingresos municipais polo copagamento dos servizos.

O Servizo de Axuda no Fogar financiarase con cargo ó orzamento municipal, coas achegas da Comunidade Autónoma, da Deputación Provincial si houbera e maila achega das persoas usuarias para a súa participación no custo do servizo, de conformidade co artigo 56.1 da Lei 13/2008, de servizos sociais de Galicia.

O Concello establecerá no orzamento anual a cantidade correspondente para o desenvolvemento do servizo.

Art. 6. Normas de xestión.

1.- As cantidades esixibles de acordo coas tarifas liquidaranse mensualmente polo Concello.

2.- O pago do prezo público realizarase polos obrigados ao mesmo mediante domiciliación bancaria. O concepto da orde de domiciliación bancaria expresará, a lo menos, o importe a pagar así coma o número de horas liquidadas.

Art. 7. Obrigación de pago.

1. A obriga de pago dos prezos públicos regulados neste ordenanza xurde o día en que se inicie a prestación do servizo, debéndose facer efectivo con periodicidade mensual durante a primeira quincena do mes seguinte, prorrateándose o seu importe cando se liquiden meses incompletos.

2. O concello formulará mensualmente un padrón no que reflectirá o prezo correspondente a cada usuario en función das horas de servizo efectivamente prestadas. No servizo de axuda do fogar a persoas dependentes considéranse horas efectivamente prestadas aquelas que consten como tales nos partes de traballo asinados conxuntamente pola persoa usuaria e polo persoal de atención.

3. A primeira liquidación ou liquidación posterior na que se modifiquen os seus elementos esenciais, seralle notificada ao interesado, as sucesivas liquidacións serán entregadas na entidade bancaria en onde se atope domiciliado o pago debendo efectuarse o devandito pagamento nos primeiros quince días do mes seguinte ao que sexa obxecto de liquidación.

4. As débedas do prezo público regulado nesta ordenanza poderanse esixir polo procedemento administrativo de constrinximento no caso de impago por parte do beneficiario dentro do período voluntario.

DISPOSICIÓN DERROGATORIA

Quedan derogadas cantas disposición municipais de igual ou inferior rango se opoñan ao que establece esta ordenanza.

DISPOSICIÓN DERRADEIRA.

A presente ordenanza entrará en vigor e será de aplicación a partir da data da súa publicación no Boletín Oficial da Provincia de Lugo e logo de transcourir o prazo ao que se refire o artigo 65.2 da Lei 7/1985, do 02 de abril, reguladora das bases de réxime local, e manterá a súa vixencia ata que se probe a súa modificación ou derogación.

A Pastoriza, a 23 de setembro de 2013.- (P.D decreto de alcaldía 13 de xuño de 2011). A tenente de alcalde, Elva Carrera González